

O‘ZBEKISTON RESPUBLIKASI
OLIY TA‘LIM, FAN VA INNOVATSIYALAR VAZIRLIGI
O‘ZBEKISTON RESPUBLIKASI MADANIYAT VAZIRLIGI
O‘ZBEKISTON DAVLAT KONSERVATORIYASI

KASBIY (IJODIY) IMTIHONLAR DASTURI
VA BAHOLASH MEZONI

60211300 - Ta‘lim yo‘nalishi: Dirijyorlik

60211302 – Dirijyorlik: opera-simfoniya dirijyorligi

Toshkent – 2026 yil

Dastur O'zbekiston davlat konservatoriyasining O'quv-uslubiy kengashida ko'rib chiqilgan va ma'qullangan (20 ____-yil ____dagi ____-sonli majlis bayoni).

Tuzuvchilar:

Abrarov G'.SH. – O'zDK, “Orkestr dirijyorligi” kafedrası mudiri,

Abduraximova F.R. O'zDK, “Orkestr dirijyorligi” kafedrası professori

Ergasheva Ch.E. - O'zDK, “O'zbek musiqasi tarixi” kafedrası kafedrası mudiri, dotsent, (PhD)

Mirtalipova I.M. - O'zDK, “Musıqa nazariyasi” kafedrası mudiri, (PhD)

Taqrizchilar:

Saxiyev A.D. - O'zDK, “Orkestr dirijyorligi” kafedrası **dotsenti**

Abdullayeva A.K. - “Qoraqalpog'iston Respublikasi xalq artisti, professor

Kirish

Bakalavriat ta'lim bosqichiga kiruvchi abituriyentlar uchun tuzilgan mazkur dastur bakalavriat ta'lim yo'nalishining

60211302 – Dirijyorlik: “opera-simfoniya dirijyorligi” ta'lim yo'nalishi bo'yicha 1-fan (ijodiy, kasbiy) ixtisoslikdan imtihon dasturi, 2-fan “Musiqqa tarixi va azariyasi” fanidan abituriyentlarning amaliy-nazariy ko'nikma va malakalarini aniqlash uchun mo'ljallangan.

Mazkur ta'lim yo'nalishi bo'yicha hujjat topshirgan abituriyentlar musiqiy asarlarni dirijyorlik qilish, bilim va ko'nikmalarini talab darajasida bilishi kerak. Shu bilan birga fortepiano asarlaridan tayyorlangan dasturni ijro qiladilar va musiqiy-nazariy bilim darajasi tekshiriladi.

Bajariladigan vazifalar tasdiqlangan mezon asosida baholanadi.

1-FAN

“DIRIJYORLIK: OPERA-SIMFONIYA DIRIJYORLIGI”

Fanning maqsadi va vazifalari

Barcha yo'nalishdagi ixtisoslik fanlari uchun tuzilgan mazkur umumiy dasturda qo'yilgan asosiy maqsad - barcha ixtisoslik sinflarida ijodiy (kasbiy) imtihonlarni qay yo'sinda olib borish va qanday uslublar bilan abituriyent bilim, ko'nikma va malakalarini aniqlash haqida tavsiflar beriladi. Abituriyentlarning umumiy tayyorgarlik darajasi, qobiliyati, aql zakovati hisobga olingan tarzda me'yoriy dasturni o'zlashtirish ustida ish olib boriladi.

“Dirijyorlik san'ati” fanini o'zlashtirishdan kelib chiqadigan vazifalar - abituriyentlar turli yo'nalishlarda bilimlarga ega bo'lganliklarini namoyish etishlaridan iboratdir. Alohida e'tibor professional darajani mukammallashtirishga, ijrochilikning texnik rivojiga, artistik mahoratini rivojlantirish va yuqori badiiy saviyada tarbiyalashga qaratilishi kerak. Ixtisoslik fani yuzasidan talaba davr talabiga binoan dunyoqarashi keng bo'lgan, ya'ni insoniyat madaniyati tarixi, rivojlanish pog'onalari xususan, adabiyot va san'at sohasida teran fikr yuritish bilan birga, yangi paydo bo'lgan kompyuterlar tizimidagi jahon musiqiy dasturlari yuzasidan ham tushuncha, tasavvur, bilim va ko'nikmalarga ega bo'lishi shart.

Abituriyent bilimiga qo'yiladigan talablar

60211302 – Dirijyorlik: opera-simfoniya dirijyorligi, mutaxassisligi bo'yicha o'qishga kirayotgan abituriyentlarni saralash maqsadida sinfda kirish talablariga mos dasturlarni ijro etib berishi ko'zda tutilgan.

O'qishga kiruvchi 20-daqiqagacha bo'lgan vaqt mobaynida tayyorlangan asarga dirijyorlik qilib, 10-daqiqagacha bo'lgan vaqt mobaynida kollokvium topshirishi talab etiladi.

“Dirijyorlik” sohasi bo‘yicha o‘qishga kiruvchi quyidagi bo‘limlardan iborat tanlovli imtihon topshiradi:

1. Mutaxassislik bo‘yicha kirish imtixonlari quyidagi bo‘limlardan tashkil topadi:

- Dasturni ijro etish
- Kollokvium
- Fortepiano

Dasturni ijro etish:

Kiruvchi bajarishi shart:

1 bosqich – dasturni ijro etish

Yirik shakldagi asarni fortepiano jo‘rligida dirijyorlik qilib berish. Masalan: simfoniyaning bir – ikki qismi yoki operaning bir ko‘rinishi, uvertyura va hokazo (10 daqiqadan kam bo‘lmasligi lozim.)

2 bosqich -kollokvium

1. Eshitish qobiliyati tahlili: Fortepianoda ijro etilgan lad, interval, akkordlarni, I darajali qardosh modulyatsiyani va garmonik ketma-ketliklarni tinglab, aniqlash;

2. Imtihon qabul qiluvchi tomonidan tanlangan partituraga qarab, asar nomi,uning muallifi, va qaysi qismi ekanligini aniqlash;

3 bosqich - fortepiano

1.Fortepianoda polifonik asar ijro etish;

2. Fortepianoda maxsus tayyorlagan biron bir etyud ijro etib berish.

Dirijyorlik qilish uchun asarlarning namunaviy ro‘yxati:

1. L. Betxoven - Simfoniylar №1, №2, №5, №7 (qismlardan biri,); uvertyuralar: "Koriolan", "Egmont".

2. A. Borodin - Simfoniya № 2 (qismlardan biri); "Knyaz Igor" operasidan Uvertyura, sahnalar va Polovets raqslari.

3. I. Brams - Simfoniylar №1, №4 (qismlardan biri).

4. R. Vagner - "Rientsi" operasiga Uvertyura

5. K. Veber – operalarga uvertyuralar: "Oberon", "Evrianta", "Volniy strelok".

6. Y. Gaydn - simfoniylar (abituriyent hohishi bo‘yicha, qismlardan biri).

7. A. Glazunov - Simfoniya №1, №5, №6 (qismlardan biri); Torjestvennaya uvertyura.

8. M. Glinka - Simfonik orkestr uchun fantaziya “Kamarinskaya”, "Ruslan va Lyudmila", "Ivan Susanin" operalariga uvertyura va raqslar.

9. V. Kalinnikov - Simfoniya № 1 (qismlardan biri).

10. F. List – simfonik poemalar "Prelyudi", "Tasso".

11. F. Mendelson - Simfoniylar №3, №4 (qismlardan biri); uvertyuralar "Fingalova peshera", "Ryui Blaz".
12. V. Motsart – simfoniylar (abituriyent xohishi bo'yicha, qismlardan biri), uvertyuralar.
13. M. Musorgskiy - "Xovanshina" operasiga Kirish ("Rassvet na Moskva-reke"), simfonik kartina "Noch na Lisoy gore"
14. N. Rimskiy-Korsakov - Ispan kaprichchiosi, "Mayskaya noch", "Sarskaya nevesta" operalaridan parchalar;
15. A. Xachaturyan - "Spartak", "Gayane" baletlaridan syuitalar
16. P. Chaykovskiy - Simfoniya № 1, № 2, № 5 (qismlardan biri), Torli orkestr uchun Serenada, "Uvertyura-fantaziylar "Romeo va Djuletta", "Gamlet", "Francheska da Rimini" simfonik fantaziyasi, "Oq qush ko'li", "Shelkunchik", "Uyqudagi go'zal" baletlaridan syuitalar.
17. F. Shubert – Simfoniylar № 4, № 5, № 8 (qismlardan biri).
18. S. Prokofyev – Simfoniya № 7 (qismlardan biri).
19. F. Alimov – xalq cholg'ulari orkestri uchun uvertyuralar: "Shodiyona", "Tabriknoma", "Markaziy Osiyo xalqlari mavzulariga poppuri".
20. S. Boboyev - xalq cholg'ulari orkestri uchun "Uvertyura".

Kollokvium

Abituriyentning kasbiy tayyorgarlik darajasini aniqlab beruvchi savollar kiritilishi kerak:

- o'z mutaxassisligi bo'yicha adabiyotlarni, jumladan orkestr tarkibidagi (simfonik, xalq cholg'ulari va damli (harbiy) orkestr) cholg'ularning ijrochilik va transport imkoniyatlarini, musiqiy terminologiyani;
- musiqa o'rta maxsus o'quv yurti hajmida musiqa adabiyoti dasturini;
- orkestr partiturasini o'qishni, va partituraning biron bir partiyani kuylab berishni;
- abituriyent musiqaning turli yo'nalish va janrlarini, musiqiy shakl turlarini bilishi zarur.

Bulardan tashqari, kiruvchilar imtihonda ijro etilgan biron bir asarni mazmuni, uslubi va ijrochilik vositalarini tahlil qilib berishlari kerak.

Mutaxassislikdan kollokvium topshirish uchun kerak bo'lgan orkestr ijrochiligi va dirijyorlik fani bo'yicha olinadigan bilimlarning adabiyotlari ro'yxatini bilishlari kerak.

Ijodiy imtihon abituriyent tomonidan bajariladigan amaliy ish quyidagi mezon asosida baholanadi:

Dirijyorlik bo'yicha baholash mezonlari:

<u>No</u>	Ijro talablari	To'liq javob uchun ball
1	Qo'llar holati, dirijyorlik postanovkasi	8,0 ballgacha
2	Auftaktlar	7,0 ballgacha
3	Kaftlar holati	7,0 ballgacha
4	Asarning yodlanganligi	7,0 ballgacha
5	Orkestr cholg'ulariga ko'rsatish	7,0 ballgacha
6	Shtrix va dinamik belgilarning ishlatilishi	6,0 ballgacha
7	Asarda muayyan badiiy obrazning gavdalanishi	5,0 ballgacha
8	Manual texnika	5,0 ballgacha
9	Eshitish qobiliyati	5,0 ballgacha
Jami		57,0 ball.

Kollokvium bo'yicha baholash mezonlari:

<u>No</u>	Savollar mazmuni	To'liq javob uchun ball
1	Asarga oid savollar (ijro etilgan asar bo'yicha)	4,0 ballgacha
2	Musiqiy cholg'ular bo'yicha savollar	3,0 ballgacha
3	Musiqi adabiyoti bo'yicha savollar	2,0 ballgacha
4	Partitura o'qish ko'nikmasi	2,0 ballgacha
5	Asarning shakl nuqtai nazaridan tahlili	2,0 ballgacha
6	Notadan o'qish ko'nikmasi	3,0 ballgacha
Jami		13,0 ball.

Ballarning bo'linishi:

“Dirjorlik” bo'yicha baholash uchun qo'yiladigan maksimal ball - 57,0 ball.

“Kollokvium” bo'yicha baholash uchun qo'yiladigan maksimal ball - 13,0 ball

Jami 70.0 ball

“FORTEPIANO”

FANI

Abituriyent ijro dasturiga qo'yiladigan talablar

Imtihon jarayonida abituriyentlar uchun vazifa belgilanadi: ikkita asardan iborat dasturni ijro etish. Dastur polifonik (XVI – XX) va etyud asarlaridan tuziladi.

Ijro sifatiga qo'yiladigan talablar:

- asar matnini aniq ijro etish (metroritm, temp, dinamika)
- texnik erkinlikni namoyish qilish
- musiqiy asarni shaklini to'g'ri tuzish

- asarning badiiy mazmunini yetkazib berish.

**“Fortepiano” fanidan asarlarning namunaviy ro‘yxati:
Polifoniya asarlari:**

I.Matteson	-Syuita c-moll
I.S.Bax	-2 ovozli invensiya (erkin tanlov), 3-x ovozli invensiya №1-15, XTK tom 1 Preljudiya va fuga c-moll, d-moll, B-dur, Fantaziya c-moll, Fuga d-moll, Syuita B-dur, «Французские сюиты» (erkin tanlov), «Английские сюиты» a-moll, Preljudiya Burre g-moll, Gavot, Allemanda e-moll, Маленькие прелюдии и фуги, Каприччио из партиты c-moll,
G.Gendel	-12 легких пьес, Sarabanda, Jiga, Preljudiya, Allemanda.
I.S.Bax - D.Kabalevskiy	- “8 organ preljudiya va fuga” (erkin tanlov)
M.Glinka	-Fuga a-moll i Es-dur
N.Myaskovskiy	-op 78 Fuga h-moll; or 43 Fuga “В старинном стиле”
D.Shostakovich	-op 34 Preljudiya №4, op 87 Preljudiya va fuga №1
S.Maykapar	-op 8 Fugetta gis-moll, op 37 Preljudiya va fugetta a-moll
D.Kabalevskiy	-Preljudiya va fuga “Летним утром на лужайке”

Etyudlar

K.Cherni	-op 299 (erkin tanlov) op 740 (erkin tanlov)
K.Cherni – G.Germer	-Избранные фортепианные этюды ch.2
A.Leshgorn	-Избранные фортепианные этюды (erkin tanlov)
I.Kramer	-60 избранных этюдов 1,3,4,7,8,10
L.Shitte	-Etyudlar (erkin tanlov)
G.Lemuan	-Etyudlar (erkin tanlov)
M.Klementi – K.Tauzig	-Etyudar № 1,2,3,5,
Arenskiy	-2 ta Etyud op 41 № 1, op 42 № 3
M.Moshkovskiy	-Etyud №2, №6
A.Gedike	-soch.101 “12 Мелодических этюдов”
A.Bertini	-soch. 29 va 32 Сборник “28 избранных этюдов”

Ijodiy imtihon abituriyent tomonidan bajariladigan amaliy ish quyidagi mezon asosida baholanadi:

“Fortepiano” fani bo'yicha baholash mezonlari:

№	Ijro dasturi uchun belgilangan talablar	Ijro uchun ball
1	Asarni belgilangan repertuarga muvofiqligi	6,0 ballgacha
2	Asarni belgilangan tempda va texnik jihatdan erkin ijro etish	6,0 ballgacha
3	Asarda metroritm, dinamika, intonaziy va shtrix talablari bajarilishi	6,0 ballgacha
4	Asarni ijrosi janr va mazmuniga muvofiqligi	5,0 ballgacha
Jami		23,0 ball.

“Fortepiano” fani bo'yicha to'plash mumkin bo'lgan maksimal ball – **23.0 ball.**

Mazkur ta'lim yo'nalishida ijodiy imtihon (Opera-simfoniya dirijyorligi va Fortepiano) uchun qo'yiladigan maksimal ball – 93,0 ball.

2-FAN MUSIQA TARIXI VA NAZARIYASI

“Musika tarixi va nazariyasi” fanidan sinovlar 3 bosqichda o'tkaziladi:

1-bosqichda abituriyent “**Musika adabiyoti**” fani bo'yicha og'zaki savollarga javob berishi lozim.

2-bosqichda abituriyent “**Garmoniya**” fani bo'yicha amaliy topshiriqlarni bajarishi lozim.

3-bosqichda abituriyent “**Solfedjio**” fani bo'yicha amaliy topshiriqlarni bajarishi lozim.

1-bosqich “Musika adabiyoti” fanidan sinovlar dasturining asosiy maqsadi - abituriyentlarning “Musika adabiyoti” fanidan nazariy bilim doirasi, amaliy ko'nikmalarining shakllanganligi qay darajada ekanligini aniqlashdan iborat. Ma'lumki, musiqiy asarlarni ijro etilishida ularning yaratilish davri, yo'nalishi, janri va shakli tamoyillari yuzasidan bilim ko'nikmalariga ega bo'lish talab etiladi. Shunga ko'ra abituriyentlar oldiga quyidagi vazifalar qo'yiladi:

- musiqiy asarlarni yaratilish davri, yo'nalishi, janri va shakl tamoyillarini bilish;

- mumtoz musiqaning yetuk namunalari xususida birlamchi bilimga ega bo'lish.

Abituriyent bilimiga qo'yiladigan talablar

Abituriyent “Musika adabiyoti” fanidan o'quv dasturi doirasida to'laqonli bilimga ega bo'lganligini og'zaki yoki yozma xolda namoyish etishi, o'z javobini musiqiy namunalarni fortepiano sozida chalib ko'rsatish yoki kuylab berish orqali tasdiqlashi talab etiladi. Sinov jarayonida abituriyentning eruditsiya, madaniy

hodisalarni anglash, musiqa san'atining tarixiy jarayonlardagi ahamiyatini tushunish kabi xususiyatlari yorqin namoyon bo'lishi kerak.

“Musiqqa adabiyoti” fanidan og‘zaki topshiriqlar:

a) ijro dasturiga oid savollar: (asarning shakl jihatidan tahlili, muallifi, yaratilgan davri va ijro yo‘nalishi, ijroning badiiy xususiyatlari v.h);

b) o‘rta maxsus ta‘limning umumiy kursi darajasida musiqa adabiyotidan bilimlarni;

v) janr va shakl nuqtai nazaridan kichik hajmdagi sonatina, romans, kuy va boshqa asarlarni tahlil qilish qobiliyati kabilarni o‘z ichiga oladi;

Shuningdek, “Musiqqa adabiyoti”da abituriyentning musiqa san’ati va boshqa san’at turlaridan, o‘zbek va chet el musiqasida ma’lum va mashhur asarlar, zamonaviy an’analar haqidagi bilim darajasi qanday ekanligi bilib olinadi.

1-bosqich bo‘yicha baholash mezonlari:

№	Savollar mazmuni	To‘liq javob uchun ball
1	Asarga oid savollar	3,0 ballgacha
2	Chet el musiqa adabiyoti bo‘yicha savollar	6,0 ballgacha
3	O‘zbek musiqa adabiyoti bo‘yicha savollar	6,0 ballgacha
4	Asarning janr va shakl nuqtai nazaridan tahlili	6,0 ballgacha
Jami		21,0 ball

1-bosqich “Musiqqa adabiyoti” fani bo‘yicha baholash uchun qo‘yiladigan maksimal ball - 21,0 ball.

2-bosqich “Garmoniya” fanidan sinovlar dasturining asosiy maqsadi-abituriyentlarning “Garmoniya” fanidan nazariy bilim doirasi, amaliy ko‘nikmalarining shakllanganligi qay darajada ekanligini aniqlashdan iborat.

Abituriyentlar oldiga quyidagi vazifalar qo‘yiladi:

- klassik garmoniyaning nazariy qonuniyatlarini bilish;
- nazariy bilimlarni fortepianoda ijro etish orqali namoyon etish;
- garmonik tushunchalarini qo‘llash orqali Davriya shaklida I darajali turdosh tonallikka modulyatsiyani fortepianoda ijro etish, diatonik yoki xromatik sekvenssiyalarni ijro etish.

Abituriyent bilimiga qo‘yiladigan talablar

Abituriyent “**Garmoniya**” fanidan o‘quv dasturi doirasida to‘laqonli bilimga ega bo‘lgan holda og‘zaki mashqlarni xatosiz bajarish, garmonik qonuniyatlarni yechimini fortepianoda erkin namoyon etish, tahlil jarayonida garmonik nazariy va amaliy ko‘nikmalarini namoyish qilish, shuningdek, fan bo‘yicha bilimlari yuqori

badiiy darajada bo'lishi kerak. Talabanning garmonik eshitish qobiliyati, garmonik tuzilmalarni fortepianoda ijro etish mahorati yorqin namoyon bo'lishi kerak.

Garmoniya fanidan abituriyent tomonidan bajariladigan amaliy ish quyidagi mezon asosida baholanadi:

OG'ZAKI TOPSHIRIQLAR

1. Davriya shaklida I darajali turdosh tonallikka modulyatsiyalarni fortepianoda ijro etish.
2. Diatonik yoki xromatik sekvenssiyalarni ijro etish.

2-bosqich bo'yicha baholash mezonlari:

№	Savollar mazmuni	To'liq javob uchun ball
1	Davriya shaklida I darajali turdosh tonallikka modulyatsiyani fortepianoda ijro etish.	15,0 ballgacha
2	Diatonik yoki xromatik sekvenssiyalarni ijro etish.	6,0 ballgacha
Jami		21,0 ball

2-bosqich “Garmoniya” fani bo'yicha qo'yiladigan maksimal ball – 21,0 ball.

3-bosqich “Solfedjio” fanidan sinovlar dasturining asosiy maqsadi – barcha ixtisosliklar uchun musiqiy eshitishni rivojlantirish va kasbiy tayyorlanishda eng muhim predmetlardan hisoblanadi. Musiqiy eshitish darajasining yuqoriligi, kuylash malakasi va musiqiy xotirani kuchliligi xonanda va dirijyorlarni tarbiyalashda katta ahamiyatga egadir.

Fanni o'zlashtirishdan kelib chiqadigan vazifalar - abituriyentlar turli yo'nalishlarda bilimlarga ega bo'lganliklarini namoyish etishlaridan iboratdir. Solfedjio fani bo'yicha talabalar o'rganilayotgan materialning qaysi millatga taalluqli bo'lishidan qat'iy nazar musiqiy eshitish, xotirani har tomonlama rivojlantirish, kuylash va tinglash jarayonida tovush tozaligini nazorat qilish kabi tasavvur, tushuncha va bilimlarga ega bo'lishi lozim.

Abituriyent bilimiga qo'yiladigan talablar

Abituriyent “Solfedjio” fanidan o'quv dasturi doirasida to'laqonli bilimga ega bo'lishi, notaga qarab kuylashi, musiqiy-nazariy va amaliy ko'nikmalarini ko'rsatib berishi, shuningdek, fan bo'yicha bilimlari yuqori darajada bo'lishi talab etiladi. Talabanning solfedjio fanidan qobiliyati yorqin namoyon bo'lishi kerak.

Solfedjio fanidan abituriyent tomonidan bajarilgan amaliy ish quyidagi mezon asosida baholanadi:

OG‘ZAKI:

1. Notanish bir ovozli misollarni dirijyorlik qilib kuylash
2. Notanish ikki ovozli misollarni dirijyorlik qilib kuylash
3. Interval va akkordlarni eshitib aniqlash.

3-bosqich bo‘yicha baholash mezonlari:

№	Savollar mazmuni	To‘liq javob uchun ball
1.	Notanish bir va ikki ovozli misollarni dirijyorlik qilib kuylash:	
a)	Tonallikni to‘g‘ri aniqlash	2,0 ballgacha
b)	Sof kuylash	7,0 ballgacha
c)	Ritmik ketma-ketlikka aniq rioya qilish	6,0 ballgacha
2.	Interval va akkordlarni eshitib aniqlash	6,0 ballgacha
Jami		21,0 ball

3-bosqich “Solfedjio” fani bo‘yicha qo‘yiladigan maksimal ball - 21,0 ball.

“Musika tarixi va nazariyasi” fani bo‘yicha qo‘yiladigan maksimal ball - 63,0 ball.

Mazkur ta’lim yo‘nalishida kasbiy (ijodiy) imtihonlarga jami qo‘yiladigan maksimal ball – 156,0 ball.

Ijodiy imtihonni o‘tkazish tartibi

60211302 – Dirijyorlik: opera-simfoniya dirijyorligi ta’lim yo‘nalishiga hujjat topshirgan abituriyent jadval asosida oldindan belgilangan muddatlarda Toshkent shahridagi O‘zbekiston davlat konservatoriyasi binosida ijodiy imtihon topshiradi.

Ijodiy ishni qabul qiladigan komissiya abituriyentdan ijro dasturi bo‘yicha imtihonni qabul qilib oladi, kollokvium o‘tkazadi.

Apellyatsiya tartibi

Oliy ta’lim tashkiloti rektori (direktori)ning buyrug‘i bilan 3 nafardan kam bo‘lmagan tarkibda sohaning yetuk mutaxassislari va oliy ta’lim tashkilotining tajribali xodimlari, professor-o‘qituvchilaridan iborat apellyatsiya komissiyasi tashkil etiladi. Apellyatsiya komissiyasi tarkibiga kasbiy (ijodiy) imtihon komissiyasi a’zolarining kiritilishiga yo‘l qo‘yilmaydi. Imtihonni qabul qilgan kasbiy (ijodiy) imtihon komissiyasi a’zosi apellyatsiya jarayonida qatnashib, o‘z fikrini bildirish huquqiga ega.

Abituriyentlarning apellyatsiya shikoyatlari kasbiy (ijodiy) imtihon natijalari e'lon qilingan kundan (vaqtdan) boshlab 24 soat ichida qabul qilinadi va apellyatsiya komissiyasi tomonidan uch kun muddat ichida ko'rib chiqiladi. Abituriyent apellyatsiya shikoyatini ko'rib chiqishda ishtirok etish huquqiga ega. Apellyatsiya arizasining ko'rib chiqilish vaqti va joyi haqida abituriyentga kamida bir kun oldin xabar beriladi.

Apellyatsiya murojaati faqat abituriyentning o'zi to'plagan ballari yuzasidan qabul qilinadi. Boshqa abituriyentlarga oid shikoyat arizalari ko'rib chiqilmaydi.

Asos: O'zbekiston Respublikasi Vazirlar Mahkamasining 2025-yil 13-sentabrdagi 578-son qaroriga 1-ilova bilan tasdiqlangan Nizom.